

նորա զօրութիւնն բարձեալ և արձանագրութիւնն ջնջեալ համարի . զի մինչ 'ի թուականն յայն՝ մին 'ի բանալեաց էր 'ի ձեռս Հայոց եւ միւսն Յունաց : Ուստի կախեալ գոլով այս 'ի հաճութենէ Կայսերական կամաց , մինչ 'ի ժամանումն Բարձրագոյն հրամանի պատուիրեալ են Յունաց անգործադրելի թողուլ զբանալին Հայոց , որպէս յայտ առնեն զայս գրեանքն եկեալ յերուսաղէմ :

Իսկ 'ի խնդրոց մին էր , զի 'ի նորոգել Յունաց զեկեղեցին Բեթղէհէմի , փոխեցին զգիրս աստիճանաց 'ի հարաւային կողմն՝ որ հանէ 'ի վանս Յունաց , զի յառաջագոյն էր 'ի միոյ կողմանէ և եթ , որպէս ցուցանէ հին յատակագիծն . յետոյ քակեալ զայն շինեցին զոյգ յերկուց կողմանց : Առ այս թէպէտեւ բոլոր բարձին Հայք և Լատին կղերք , թէ փոխեցին զնախնական ձեւն եկեղեցոյ հակառակ Կայսերական հրամանի , սակայն Յոյնք յառաջագոյն հաճեալ էին զկամս Դատաւորին երուսաղէմի եւ մեծամեծացն այլազգեսաց , և առեալ էին գիր 'ի նոցանէ , թէ դոյզն ինչ փոփոխութիւն ոչ է հակառակ օրինաց եւ հրամանի : Եւ զի յառաջագոյն 'ի քակել սանդղացն 'ի հարաւ և 'ի հիւսիս՝ զանց արարեալ էին զայնու իբր անփնասակար . իբրեւ հարցումն եղեւ 'ի մեծէ Դենպետէն , նա եւս թող զայն իբր անփնաս :

Երկրորդ խնդիրն է չորս սենեակք Հայոց 'ի Տաճարին Ս. Յարութեան , որք ոչ մուծան յարձանագիրս 'ի քրննութեան պահու՝ ակնարկութեամբ Յունաց , և ոչ շինեցան . թէպէտեւ յառաջագոյն բոլոր բարձին վասն այսոցիկ Պատրիարքն և միաբանք Հայոց , և 'ի ձեռն Դատաւորին խնդրեցին հրովարտակ վասն շինութեան նոցին , այլ խնդիրն կնճառեալ կարի երկարեցաւ : Այժմ՝ որոշումն առնին արդարութեան եղեւ այսպէս . ընդհանուր նորոգութիւնն Ս. Յարութեան տուեալ է Յունաց , այլ յազազս շինութեան սենեկացն Հայոց , 'ի Կայսերական կամաց կախեալ է . սակայն օրինօք Դատարանի առաջի երկուց աղիւսաց սառագեսցի , եթէ յայտնի լինիցի թէ ոչ մուծան նոքա յարձանագիրս , յայնժամ 'ի ձեռն Դատաւորին , ճարտարապետին և հսկողութեամբ Վերակացուն քննեցի , և յօրինեցի յատակագիծ նոցին 'ի թղթի եւ առաքեացն